

خبرنامه محاکمه

جمعه ایرتسی

لومرو	جمادی الآخر	سنه	کانون ثانی	سنه	صحیفه
۵۸۱	۶	۱۳۰۸	۵	۱۳۰۶	۸۴۱۵

(اشبو غزته بهر هفته جمعه ایرتسی کونلری چیقار . سنه لکی درسعات ایچون محیدیه یکریمی غروش)
 (حسابیله التمش غروشدر . طشره لر ایچون اون بش غروش پوسته اجر قی ضم اولنور . بهر)
 (نمخه سی بنه محیدیه یکریمی غروش اولق اوزره یوز باره یه هر یرده صاتیلور . درج اولنه حق)
 (اعلاناتک هر برندن بر محیدیه اخذ اولنور . سنه لکنه مشتری اولق استیانلر عدلیه نظارتی)
 (داتره سنده کائن جریده محاکم اداره سنه مراجعت ایلملیدر)

صارو خان بدایت محکمه سی مستنطقانی
 مکتب حقوق شاهانه مأذونلرندن خیرالدین
 افندی یه تفویض
 درسعات استیناف محکمه سی تجارت قسمی
 ضبط کتبه سندن رفعتلو توفیق بکه رتبه نالته
 توجیه بیورلمشدر .

قسم رسمی

توجهات

درسعات استیناف محکمه سی تجارت قسمی
 برنجی صنف کتبه سندن رفعتلو توفیق بکه رتبه
 نالته توجیه

بتایس ولایتده اخلاط قضاسی ضابطه
مأموری اسماعیل و مستنطق مصطفی افندیلرک
وظیفه قانونیه لرینی سوء استعمال ایلدیکلری
ولایت مذکوره مدعی عمومیلکنک اشعارندن
اکلاشلمسیله مومی الیهانک تحت محاکمه التملری
ایچون عدلیه نظارت عدلیه سنجه محله مآذونیت
اعطا اولمشدر .

وظیفه لرینی سوء استعمال ایلدیکلری اسنادندن
طولای تحت محاکمه التملر اولان حاجین
قضاسی بدایت محکمه سی مستنطق ایله معاونک
جریان ایدن تحقیقات نتیجه سنده منع محاکمه لرینه
قرار ویرلمش ایدوکی اطنه مدعی عمومیلکندن
عدلیه نظارت جلیله سنه واقع اولان اشعاردن
مستبان اولمشدر .

فعل شنیع جرمیله مظنون اولان علی نام
شخصک خلاف نظام تخلیه سیلنه جرأت ایتیش
اولان قوچکری بدایت محکمه سی اعضاسندن
مستنطق اسحق بکک تحت محاکمه التملر
ایچون عدلیه نظارت جلیله سنجه محله مآذونیت
اعطا قلمشدر .

(فی ۳ جمادی الآخر سنه ۳۰۸ و فی ۱)
(کانون ثانی سنه ۳۰۶ تاریخده بالجله ولایات)
(استیناف مدعی عمومیلرینه و مدعی عمومی)
(بولنمیان محللر مدعی عمومی معاونلرینه)
(یازیلان تحریرات عمومی صورتیدر)

رژی مأمورلرینک وظیفه لرینه عائد خصوص
صات ایچون قننی محکمه ده تعقیبات قانونیه
ایفاسی لازم کله جکی سیواس ولایت علیه سندن
وقوعبولان استفسار اوزرینه شوای دولت

تنظیمات دائره سندن تقدیم اولنوب صورت
مصدقه سی بابیورلدی سامی دائره عدلیه تودیع
بیوریلان مضبوطه رژی اداره سی دواژدولندن
معدود اولیوب اداره ده مستخدم مأمورین دخی
مأمورین دولندن عد ایدلمامکله برابر اداره
مرفومه نک خزینة مالیه ایله مشترک المنفعه بولنمسی
جهتله محاکمه لرینه لزوم کورینان رژی مأمورلر
ینک مجالس اداره ده اجرای محاکمه لری لازم
کله جکی عن محرم سنه ۳۰۴ تاریخده تنظیم قلنان
مضبوطه ده بیان ایدلمش وموجبنجه تعمیماً تبلیغات
اجرا ایدیلوب هر طرفه بوصورته توفیق معامله
ایدیلرک بواسولک تعیرینی موجب اوله جق
برسبب وشکایت درمیان ایدلماش اولسنه رژی
معاملاتنک اداره ده تعلقی سببیه محاکمتنک دخی
مجالس اداره ده براغلمسی ترجیح و اختیار
ایدلیکی کبی طوغریدن طوغری به خدمات
دولته مستخدم اجنبیلردن موجب مجازات
افعالده بولنانلرک محاکم نظامیه ده اجرای محاکمه لری
حقنده اخیراً اتخاژ اولنان قرار عالی اقتضاسنجه
رژی خدمتده بولنان اجنبیلردن موجب مجازات
افعالده بولنانلر محاکمتنک دخی محاکم نظامیه ده
اجراسی لازم کورایسه ده بوصورت اجنبی اولیان
رژی مأمورلرینکده محاکم نظامیه ده اجرای

محاکمه لرینی وشمیدی به قدر جریان ایتیش اولان
برقاعده نک تبدیلی ایجاب ایتدیره میه جکنه مبنی
امور مأموره لرندن طولای محاکمه لرینه لزوم
کسوریلان وتبعه دولت علیه دن اولان رژی
مأمورلرینک قرار سابق وجهله مجالس اداره ده
اجرای محاکمه لری لزومنه قرار ویرلدیکی
کوسترلمش ولزوم کلانلره تبلیغ اولنمق اوزره
اشبو تحریراتک نسخ مطبوعه کافیه سی لفافه سال
قلمش اولغله دائره مأموریت بهرله ری داخلنده
بولنان محاکمه دخی برمنوال محرر ایفای مامله
اولنمسی سیاقنده شقه ترقیمه ایتدیر اولندی .

قسم غیر رسمی

(اوجیوز بش سنه سی ایلونک سکنجی جمعه)
(کیجه سی قزل طو پراقد کائن عسا کر بحریه)

(میرالایرندن محمود بک خانہ سندن و شہر)
 (مذکورک یدنجی کیجہ سی عزب قبوسندہ)
 (واقع لورانڈو خاندہ مقیم مرانغوز یانینک)
 (اوٹھ سندن و تاریخ مذکور دن چندماہ مقدم)
 (برکیجہ میرکوندہ ساکن مرحوم صفوت)
 (پاشا زادہ عزتو رفعت بک کوشکندن)
 (وقوعبولان سرقلردن طولای مظنون علیہم)
 (اولان پاوی و مسقو و ایلیا و قسطنینک جنایتلہ)
 (اتہاملرینہ و فروخت ایدیلان اشیای مسروقہ)
 (اتمانندن بریحیدی بی اخذ ایدن لٹونیدینک)
 (اجرا قلنان محاکمہ علیہ لری ضبطنامہ سی)
 (صورتندن مابعد)

جہت جزائیہ حقندہ دخی ایجابی لدی التذکر
 مجرمیتلری تحت حکمہ آلتانلردن پاوی و مسقو-
 نک فعللری قانون جزانک ایکوز یکرمنجی
 و میخانہ جی ایلیا و چراغی قسطنینک حرکتلری
 دخی قانون مزبورک ایکوز اتوزنجی مادہ سی
 علاوہ سنہ ولؤنیدینک علاء مذکورہ نک فقرہ
 اخیرہ سنہ موافق اولدیغہ و مادہ مذکورہ دہ
 ہر تقدیر انسان اقامت ایدر محل اولسہ
 و یا خود مسکون محلہ متعلق بولنمہ بیلہ
 قبالی و دیوار ایلہ محدود اولان محللرک دیوارینی

دلہرک و یانردبان ایلہ آشہرق و یا آلت مخصوصہ ایلہ
 قبوسنی اچہرق خرسزلق ایدنلر موقتاً کورکہ
 قونیلور و ایکوز اتوزنجی مادہ نک علاوہ سندہ
 دخی کورک جزاسنہ مستحق اولان سارقلرہ
 حال و صفتلرینی بیلہرک یتاقلق و معاونت ایدنلر
 موقتاً کورکہ قونیلورلر و فقرہ مذکورہ دہ مال
 مسروقہ بیلہرک التلر فعل و حرکتلرینک درجہ
 سنہ کورہ یکریمی درت ساعتدن بر سنہ یہ قدر
 حبس جزاسیلہ مجازات اولنور و سرق اولنان
 شی موجود ایسہ صاحبہ رد دکل ایسہ تضمین
 ایتدیریلور دیومحرر بولدیغہ مبنی مادہ و علاوہ
 و فقرہ مذکورہ احکامنہ توفیقاً پاوینک ابتدای
 توقیفی اولان اوچیوز یدی سنہ سی صفرینک
 برنجی و مسقونک دخی سنہ مذکورہ محرمک
 یکریمی بشنجی و میخانہ جی ایلیا و چراغی قسطنینک
 سنہ مذکورہ صفرینک اوننجی کونلردن اعتباراً
 پاوی و مسقونک سابقہ لری سبب شدت طوتیلہرق
 بعدالتشہیر بشر و میخانہ جی ایلیا و چراغی قسطنینک
 اوچر سنہ مدتله کورکہ قونلملرینہ ولؤنیدینک
 دخی برماہ مدتله حبس ایدلسنہ و ضبط و اعلام
 و استیطاق خرچلریلہ خدمہ اجرت قدمیہ سی اولان
 جمعاً یدیبوز التمش غروشک دخی مرقوموندن
 متساویاً بالتحصیل عدلیہ و زنہ سنہ تسلیم
 ایتدیرلسنہ اوچیوز سکر سنہ سی محرمک
 اوچنجی کوننہ مصادف اولان اوچوز الی

سنہ سی اغستوسنک یدنجی کونی متفقاً قرار
 و یریلوب قانونک ارانہ و تعریفی و جہلہ تفہیمی
 اجرا و اصول محاکمہ جہ معین اولان معاملات
 ایفا قلندی .

فی ۱۷ ایلول سنہ ۳۰۶

(بیک اوچیوز الی سنہ سی مارتینک اون دردننجی)
 (بازار کیجہ سی ساعت الی قرارلرندہ خانہ سنہ)
 (کیتمکدہ اولان الاجہ قریہ لی محمد اوغلی)
 (امراللہک انشای راہدہ اوکنہ چیقہرق)
 (واللرینی آرقہ سنہ باغلیہرق معاملہ جبرو شدت)
 (اجرا سیلہ خانہ سنہ کتوروب یدی عدد لیرای)
 (عثمانی و بر عدد کموش کوسنک ایلہ اتوز)
 (بش غروش اوفقی پارہ سنی اخذ و غصب)
 (ایلدکری ادعا اولنمسنن طولای مظنون علیہ)
 (اولان انسٹی و برادری نیقولی و دود اوغلی)

(دیمترینک اجرا قلنان محاکمہ علیہ لری)
 (ضبطنامہ سی صورتیدر)

بیک اوچیوز الی سنہ سی مارتینک اون
 دردننجی بازار کیجہ سی ساعت الی راہدہ لرنده
 خانہ سنہ کیتمکدہ اولان الاجہ قریہ لی قرہ محمد
 اوغلی امراللہک انشای راہدہ اوکنہ چیقہرق
 واللرینی آرقہ سنہ باغلیہرق معاملہ جبرو شدت اجرا-
 سیلہ خانہ سنہ کتوروب یدی عدد لیرای عثمانی
 و بر عدد کموش کوسنک ایلہ اتوز بش غروش
 اوفقی پارہ سنی اخذ و غصب ایلدکری ادعا اولنمسنن
 طولای مظنون علیہ اولان انسٹی و برادری
 نیقولی و دود اوغلی دیمترینک جنایتلہ اتہاملرینہ
 دائرہیت اتہامیہ دن تنظیم و اعطا قلنان ۳۱ مایس
 سنہ ۳۰۶ تاریخی و ۱۱۲۲ نومرولی مضبطہ ایلہ
 استیناف مدعی عمومیلکنک ۱۱ حزران سنہ ۳۰۶
 تاریخی و ۲۱۷۶ نومرولی اتہامننامہ سی اوراق
 متفرعہ سیلہ ۲۵ حزران سنہ ۳۰۶ تاریخی محکمہ
 جنایتہ تودیع اولنمغلہ بالمطالعہ اصول محاکمات
 جزائیہ قانونک ایکوز قرق سکرمنجی و ایکوز
 قرق طقوزنجی مادہ لرینہ توفیقاً مرقومون تاریخ
 مذکورہ توقیفخانہ دن جلب ایلہ استعجواب

یانلرنده اولدیغی ومدعی عمومی معاونی حق بک
دخی حاضر بولدیغی حالده اجرای محاکمه علیه
بالابتدار مرقومون استجواب اولندقلرنده
بونلردن انستی یکر می ایکی و برادری نیقولی
اون الی و دیمتری اون یدی یاشلرنده اولوب
هر اوجی دخی شیهلی و چوبان اولدقلرنی
سویلملریله کندولرینه و وکیللری مومی الیه
استپان عوادیسین افندی به قانون مذکورک
ایکیوز التمش دردنجی وایکیوز التمش بشنجی
ماده لری مدلولاتی بعدالاطار اتهام مضبطه سیله
اتهامنامه ضبط کاتبی احمد بکه قرائت ایتدیرلدی .

مضبطه مذکورک مآلی متهمون مرقومون
انستی و برادری نیقولی و دود اوغلی دیمترینک
معامله جبر و شدت اجرا سیله قره محمد اوغلی
امراللهک معلوم المقدار اچقه و اشیانی اخذ
و غصبه جرأت ایتدکلری اخبارات و دلائل الیه
تحقق ایتمش و حرکتلری قانون جزانک ایکیوز
اون یدنجی ماده سی حکمنی مستلزم افعال جنایه
دن بولنمش اولدیغندن جنایتله اتهاملرینه قرار
ویرلدیکلی و اتهامنامه نک مزایاسی دخی ذکر اولنان
مضبطه مندرجاتی وجهله مرقومونک متهم
بولندقلرنی بیان و ایضاحدن عبارتدر .

قانون مزبورک ایکیوز التمش التنجی ماده سنه

ومدافعه لرنده معاونت ایتک اوزره وکیل انتخاب
ایتملری تکلیف اولندقلده دعوی وکیللرندن
بیلدکلری کسسه اولدیغی سویلملریله محکمه
زدنده بولنان دعوی وکیللرندن کر قورقلا یحیان
افندی جانب محکمه دن کندولرینه وکیل تعیین
و قانون مزبورک ادعای مفسوخیت حقنده اولان
ایکیوز الی برنجی ماده سی مندرجاتی اخطار
قلندیغی مبین طوتیلان ضبط ورقه سی تحت
امضایه الیدرلدی .

ادعای مفسوخیت ایچون معین اولان مدت
قانونیه منقضیه اولغین مرقومونک اجرای
محاکم لری سنه مرقومه تمورینک اون برنجی
چهارشنبه کونه قرارلشدیرلدی .

یوم مذکورده ساعت الی راده لرنده متهمون
مرقومون انستی و برادری نیقولی و دود اوغلی
دیمتری قانون مذکورک ایکیوز التمش اوچنجی
ماده سنه توفیقاً توقیفخانه دن کتوردیلرک وکیللری
کر قورقلا یحیان افندینک معذرت مشروعه سنه
مبنی کله میه جکی بیلدیرلش اولغله آنک یرینه کذلک
محکمه زدنده بولنوب متهمون مرقومونک قبول
و موافقتلری اوزرینه جانب محکمه دن تعیین قلنان
و اوراق دعوائی قلم او طه سنده بالمطالع
مهیا بولندیغی سویلیان استپان عوادیسین افندی

مذکوریه لفا کوندیریلان جلبنامه لریک مضی
علم و خبرلری دخی اعاده قلنماش اولدیغندن
جزای تقدی الیه محکوم ایدملری دخی قانوناً
جائز اوله میه جنی جهتله مرقومونک و برده
متهملریک ضرب الیه اقرار تهمت ایتدیردیکی
سویلکلری ملازم علی اغا و مصطفی او نباشینک جلبلرینه
قرار و یریلرک اکمال محاکمه یوم آخره تعلیق
قلندی .

بیک اوچوز الی سنه سی اغستوسنک التنجی
یازار ایرتسی کونی متهمون مرقومون انستی
و برادری نیقولی و دود اوغلی دیمتری قانون
دائرة سنده توقیفخانه دن جلب الیه وکیل سابقلری
استپان عوادیسین افندینک وقوعبولان معذرت
مشروعه سنه مبنی کله میه جکی بیلدیرلش اولغله
آنک یرینه کذلک محکمه زدنده بولنان و متهمون
مرقومونک قبول و موافقتلرینه بناء وکیل تعیین
قلنوب اوراق دعوائی قلم او طه سنده بالمطالع
مدفعه میه مهیا ایدوکی سویلیان دعوی وکیللرندن
خاچیک افندی یانلرنده اولدیغی ومدعی شخصی
امراه و زوجه سی عایشه خاتون الیه مدعی
عمومی معاونی حنی بک دخی حاضر و موجود
بولندقلری حالده اکمال محاکمه علیه بالابتدار
قرأت ایدیلان ضبط سابق مندرجاتی طرفین
تصدیق ایتدکلرندن صکره بر موجب قرار

توفیقاً اتهامنامه نک خلاصه سی مرقومونه
تفهیم و معاون مومی الیه طرفندل اتهاملرینه
سبیت و یرن احوال بیان و تشریح اولندقلدن
صکره مرقومون سویلدیرلرکده هیچ برشیدن
معلوماتلری اولدیغی بالیان کلیاً انکار تهمت
ایلملریله نصل دردست ایدلکلری و اقرار تهمت
ایدلکلری اوراق تحقیقه ده مندرج ایدوکنندن
بوکا نه دیه جکلری ونه یولده اقرار ایتدکلری
مرقوموندن صورلدقلده کندولری چوبان
وظیفه لرله اشتغال ایتدکلر ایکن کندولرنی بو
فعلک فاعلی ظنیله دردست ایدن ملازم ضرب
ایدرک و بویه یابدق دیو سویلیه جکسکر دیه رک
باشلرینه قرغین صاج ایاق کچورمک استدیکنندن
واوراده حاضر بولنان بریده یابدق دیه رکده
قورتولکر دیسیله کندولریده زیابدق دیدکلرنی
و بونلردن دیمتری مدعی شخصی امراللهک خانه
سنه کیتدک قوللرنی باغلدق دیو سویلدیکلی بیان
و افادات سابقه لرنده اصرار ایدیلر . مدعی
عمومی طرفندن بالاعطای قرائت ایتدیریلان
شهود پوصله سنده اسامیسی محرر اولوب
دعوت ایدیلان الاجه قریه سنده ساکن یقه جقلی
مصطفی و امام مصطفی افندی و مختار حسنی اغا الیه
مدعی شخصی امراللهک ورود ایتماش اولدقلری
کبی مرقومونک یوم معینده محکمه یه اعزاملرینه
دائر اسکدار بدایت مدعی عمومی لکنه یازیلان

دعوت ایدیلان سواری ژاندارمه ملازمی
 علی اغا ایله مصطفی اونباشی ورود ایتماش
 و مختار حسنی اغا و یقه جقلی مصطفی و امام مصطفی
 افندی کلش اولدقلرندن اصول محاکمات جزائیه
 قانوننک ایکوز التمش سکرنجی ماده سنه توفیقاً
 بعد التحلیف منفرداً و مواجّه استماع اولندقلرنده
 بونلردن حسنی اغا مدعی شخصی امر الهی
 اولوم حالده کورمسيله سببی سؤال ایتدیکنده
 امین اغانک چوبانلری انستی و برادری نیتولی
 ودود اوغلی دیمتری کندوسنی درجه نهاییده
 ضرب ویدی لیرا برمجیدی و اوچ چاریک مجیدیی
 ایله برعدد ساعتی اخذ و غصب ایلدکلرینی درمیان
 ایلمسيله مرقومی قیون دریسنه صاروب کیفیت
 حکومته اخبار و تحریاته قیام ایله متهملرک اقامت
 ایتدکلری حاجی امینک اغلنه کتدکلرنده
 دیوارده اصیلی بولسان بر تک تفنکک اغزی
 چامور ایله طیقالی و چامورک یاش اولدیغنی
 کورملریله متهمون مرقومونی آله رق قهوه خانه یه
 کوتوروب ملازم علی و معینی افرادندن مصطفی
 اونباشی طرفلرندن استجواب ایدیلوب مرقومو-
 نک تمامیه اقرار تهمت ایلدکلرینی و یقه جقلی
 مصطفی و امام مصطفی افندی دخی مختار حسنی
 اغانک تماماً افاده سنی تصدیق و تکرار ایله آنجق
 بونلردن امام مصطفی افندی ابتدا انستی انکارده
 بولمش ایسه ده ملازم علی اغا مؤخرأ دیمتری بی

ساعت ایله ایکی بیاض مجیدی دهالوب و کندو-
 سنی طوتدقلری محله قدر کتوروب اورادن
 صالیور دکلرینی ولدی السؤال خانه سنک یکریمی
 آدیم ایلروسنده کی قومشولر دیوبوب باغرمش
 ایسه لرده قورقورلرندن کیسه سنک کله مدیکی تذکار
 وزوجه سی مزبوره دخی زوجه سنک افاده سنی
 تکرار ایلمسيله نه دیه جکلری متهمون مرقومو-
 ندن صورلدقده ملازم علی اغا کندولرینی درجه
 نهاییده ضرب ایله صوبده قیزدیرمش اولدیغنی
 ساچ ایاغنی باشلرینه کچورمک ایتدیکنندن
 کندولریده قورقورلرندن فعل مذ کوری اجرا
 ایله الدقلری الحقه بی اغامزک قاریسنه و بردک
 دیمشله ایسه ده بویه بر وقوعاتدن اصلا معلوما-
 تلی اولدیغنی و مرقوم علی اغا کندولرینی ضرب
 ایلدیکی زمان اهالیدن برچوق آدملر کورمشله
 ایسه ده اسملری خاطزلرنده قالیوب فقط الاجه
 قریه سندن حمزه صالح و قوروجی کویسندن
 کورجی توتونجی یوسف و کیجی خورشید
 و کورجی علی بک و قواص ابراهیم ایله اثبات
 ایده جکلرینی بیان ایله انکار سابقلرنده اصرار
 و شهود مرقومه دن بصورت صورلدقده مرقومونی
 تکذیب ایتلریله توسیع تحقیقات ایچون دعوت
 ایلدکلری حالده کلامش اولان ملازم علی اغا
 ایله مصطفی اونباشینک و متهملرک اسملرینی خبر
 و بردکلری حمزه صالح و یوسف و خورشید و علی
 بک و قواص ابراهیمک جلبلرینه قرار ویریلدرک
 اکال محاکمه یوم آخره تعلیق قلندی.

بک اوچوز التی سنه می ایلونک دردنجی
 صالی کونی متهمون مرقومون آنستی و برادری
 نیتولی ودود اوغلی دیمتری قانون دائرة سنده
 توقیف خانه دن جلب ایله وکیللری مومی ایله
 خاچیک افندی یانلرنده اولدیغنی و مدعی شخصی
 امراه ایله مدعی عمومی معاونی مصطفی افندی
 دخی حاضر بولندقلری حالده اکال محاکمه علیه یه
 بالابتدار قرائت ایتدیریلان ضبط سابق مندرجا
 تی طرفین تصدیق ایلدکلرندن صکره جلب
 ایدملری قرارگیر اولانلردن ملازم علی اغا ایله
 مصطفی اونباشی و یوسف ورود ایتش اولملریله
 اصول محاکمات جزائیه قانوننک ایکوز التمش
 سکرنجی ماده سنه توفیقاً بعد التحلیف منفرداً
 و مواجّه استماع اولندقلرندن بونلردن ملازم
 علی اغا مدعی شخصی امر الهی ضبط سابقده
 محرر افاده سنی کندیسنه سولیدیکی کبی وجودینک
 دخی ضربیدن سیم سیاه اولدیغنی کورنجه
 مرقومونی در دست ایله امام و مختار و دهالوب
 بعض کسان موجود اولدقلری حالده
 استجواب ایلدیکنده اولان انکار و مؤخرأ تمامیه
 اقرار تهمت ایلدکلرینی ولدی السؤال کویه کیدر
 ایکن خرمنده بولنان قبیلردن لزوم اوزرینه

صاح اياق ايش ايسهده مرقومونه اصلا اشكنجه
 وضرب ايتديكنى اخبار ومصطفى اونباشى دخى
 ملازم على اغانك افاده سنى تصديق وتكرار
 ويوسف دخى خاطرنده اوليان بركون بر ايش
 ضمنده مرقومونك استجواب ايدللكرى قهوه
 خانه يه كتيكند كنديسى طيشاروده طورهرق
 مرقومونى قهوه خانه دروننده ملازم على اغا
 استجواب ايلمكده ايسه ده صوريلان شينك
 ندن عبارت ايدوكندن ومرقومونك نه جواب
 ويردكرندن معلوماتى اولديغنى ولدى السؤال
 اويله ضربه دائر برعلامت كوره مبوب انجق
 اغلامه سسى ايشتيكى تذكار ايدلير وكيل
 خاچيك افنديك طليله مدعى شخصى امراللهدن
 اولجه متهملى طانيوب طانيدينى وقبون منازعه سى
 اولوب اولديغنى صورلدقده اولدن مرقومونى
 طانيقده ايسهده بينلرنده قيون منازعه سى
 اولديغنى سويلدى عليهلرنده اخبار كيفيت ايدن
 كسانك ذات وشهادتلىنه قارشو برديه جكلى
 اولوب اولديغنى متهمون مرقوموندن صورلدقده
 هراوچى دخى افاده اوليهلرني بالتكرار انكار
 سابقارنده اصرار ايلملىه تحقيقاتك بوندن عبارت
 ايدوكى بيان اولندقده معاون موسى اليه مصطفى
 افندى متهمون مرقومون انستى و برادرى نيقولى

محاكمه نك ختام بولديغنى بيان اولنه رق مذاكره
 اوطه سنه كلندى .

طرفينك ادعاومدافعانتك استماعندن و اوراق
 تحقيقاتيه نك مطالعه وتديقندن صكره ايجاب كيفيت
 لى التذكر متهمون مرقومون انستى و برادرى
 نيقولى ودود اوغلى ديمتري انكار تهمت ايتكده
 و وكيل موسى اليه خاچيك افندى دخى بروجيه
 محرر مدافعه ايتكده ايسه لرده متهمون مرقومون
 وقعه كيجه سى ساعت بش راده لرنده قهوه خانه دن
 خانه سنه كتمكده اولان مدعى شخصى امراللهك
 كنان ترلاسنده اوكنه چيقه رق ومعامله جبر
 وشدت اجراسيله مرقومى خانه سنه كوتوره رك
 معلوم المقدار اچقه سيله بر عدد ساعتى اخذ و غضب
 ايدلكرندن صكره وقوعاتى كيمسه يه افشا ايتامسى
 ايجون مرقوم امراللهى تهديد ايله دردست
 ايتدكرلى ترلايه قدر كوتوروب براقدقلى
 مدعى شخصى مرقوم امراء وزوجه سى عايشه
 خانم طرفلرندن حضور محكمه ده بيان ايدلسنه
 ومرقومون كندولرني بوفعلك فاعلى ظنيله دردست
 ايدن ملازم ضرب ايدوب بويله يابديق ديه رك
 سويله جكمكز ديو باشلرني قزغين ساج اياق
 كچوره چيك اولديغندن قورقورلندن ناشى اقرار

ايتدكرنى سويلمكده اولدقلى حالده كندو .
 لرينه بويله براشكنجه واذيت ايدليوب اولنان
 سؤاللره جواباً تماميله اقرار تهمت ايدللكرى
 حضور محكمه ده مع القسم استماع قلنان ملازم
 على اغا ومصطفى اونباشى وامام مصطفى افندى
 ويقه جقلى مصطفى ومختار حسنى اغا طرفلرندن
 قسمله اخبار ايدلسنه وكندولرنيك على اغا
 طرفندن ضرب ايدللكرى اثبات ايجون اسملرني
 خبر ويرملى اوزرينه دعوت ايدلمش اولان
 كساندن يوسف صرب وتهديد مثلكو حالات
 كورمديكنى فقط براغلق سسى ايشتيكى
 سويليوب بوده ياندامتن وياسباب سائرهن
 ايلروكلوب بوخسه اغلملى اشكنجه ايدللكرى
 ميين اوله مامسنه وحتى مرقومونك اقرارلى
 مدعى شخصى امراللهك على اغايه حكايه ايتديكنه
 موافق اولسى اقرار واقعتك صدقته دلالت
 ايلمسنه ومتهملردن ديمتريك منديلنك مدعى
 شخصينك خانه سنده بولنديغنى جمله اخباراتدن
 اولسنه ومدافعه كنججه متهملك برادر اوللرى
 بينلرنده اتفاق حصولنه دهها مساعد اولوب
 سنلرى دخى بوجنايتى اجرايه مانع اولور درجه ده
 كوريله مامسنه ومغضوب ساعت واچقه يي كتم
 واستهلاك ايتش اولوب چونكه بونلر همان خانه

درونده در دست ایدلماش اولدقلرندن ساعت
واقچه نك بولنه مامسی برات ذمتلرینه دال
اوله مامسنه وملازم علی اغانك قبیلردن صاج ایاق
المسی مطلقاً اشکنجه نك بونكله ایقاعی لازم
کلبه جکندن اشبو اشکنجه سوزی دخی ثم تدارك
بولنمسنه وشهادت واقع نك مقبولتی قانوناً درکار
اولوب بولنری حکمدن دوشیره جك برکونه
سبب موجود بولنماسنه مبنی مرقومونك تأویل
وانکارلری واهی و وکیل مومی الیهک بوبابده کی
مدافعه سی دخی اسباب مسروده یه مبنی غیر وارد
اولوب مرقومونك کیچه خانه سنه کیتمکده اولان
امراللهک اوکنه چیقهرق واللرینی ارقه سنه
باغلیهرق معامله جبر وشدت اجراسیله خانه سنه
کتوروب معلوم المقدار ایچه سیله برعدد ساعتی
اخذ وغصب ایلدکلی تحقیق ایتکله مجرمیتلرینه
بالاتفاق قرار ویریلوب تحت امضایه التان قرارنامه
علناً قرائت اولندقدده معاون مومی الیه مصطفی افندی
مجرمیتلری تحت قراره التان انستی و برادر نیقولی
ودود اوغلی دیمترینک حرکتلری قانون جزانک
ایکیوزاون یدنجی ماده سنه موافق اولدیغندن اولوجهله
تحریر و وکیل مومی الیه دخی تخفیف جزالرینی
طلب ایلملریله مذاکره اوپه سنه عودت
اولندی .

جهت جزائیهری دخی لدی التذکر مرقومونك
ایقاع ایتدکلی فعل سرقت معاون مومی الیهک
طلب ایتدیکی ماده قانونیه ده محرر حالاتدن
دردنجیسی موجود اولمدینی جهته او ماده یه
تماس ایتیبو ایکیوز یکر می برنجی ماده قانونیه یه
موافق اولدیغنه و ماده مذکورده خر سزلق
معامله شدید اجراسیله وقوعبولوب فقط بویله
معامله شدتن اثر جرح ظهور ایتماش وبشقه
بر حال منضم اولماش ایسه ویاخود معامله
شدت وقوعبولوب فقط اولاکیچه اولدینی
وثانیاً ایکی ودها زیاده اشخاص طرفلرندن
جمله سی ویاخود ایلچلرندن بریسی مسلح بولدینی
حالده وقوعبولش ایسه متجاسر اولنلر موقتاً
کورکه قونیلورلر دیومحرر بولندیغنه مبنی
مرقومونك بوماده حکمنه توفیقاً وابتدای توقیفلری
اولان بیک اوچیوز یدی سنه سی شعبانک
یکرمی یدنجی کونندن اعتبارا بولردن نیقولینک
اون الی و دیمترینک اون یدی یاشلرنده
اولدقلرندن بلاتشهیر وانستینک اون طقوزنجی
ماده قانونیه منطوقجه بعدالالتشهیر اوچ سنه
مدتله کورکه قونلملرینه وضبط واعلام واستطاق
خرجلری اولان جمعاً درتیوزاللی غروشک دخی
مرقوموندن متساویاً بالتحصیل عدلیه وزنه سنه

تسلیم ایتدیرلمسنه بیک اوچیوز سکر - نه سی صفرینک
ایکینجی کونه مصادف اولان بیک اوچیوز
اللی سنه سی ایلونک دردنجی صالی کونی کذلک
بالاتفاق قرار ویریلهرک قانونک اراءه وتعریف
ایلدیکی وجهله تفهیمی اجرا و اصول محاکمه جه
معین اولان معاملات سائر ایفا قلندی .

فی ۱۲ ایلول سنه ۳۰۶

اوچیوز اللی سنه سی حزراننک اون التنجی
کونی توقیفخانه ده موقوف بولنان برشخصه
زقاق جهتدن پاره ویرمکده اولدینی کوریلهرک
دردسته تشبث اولنمسی اوزرینه فرار وتعقیب
ایدن ژاندارمه سواری ملازمی عبدالله اغایه
ریوولور انداخت ایتدیکی ادعاسیله مظنون علیه
بولنان اوتوز یاشنده بروسلی اولوب بالقجیلق
ایدن ارمنی ملتدن طاتیوسک جنایتله اتهامنه
دائر هیئت اتهامیه دن تنظیم ایدیلان ۱۷ اغستوس
سنه ۳۰۶ تاریخی و ۲۶۲ نومرولی مضبطه ایله
استیناف مدعی عمومیلکنک ۱۱ ایلول سنه ۳۰۶
تاریخی و ۴۴۷۶ نومرولی اتهامنامه سی اوراق
متفرعه سیله ۱۷ ایلول سنه ۳۰۶ تاریخده محکمه
جنایته تودیع اولنمغله بالمطالع اصول محاکمات
جزائیله قانونک باب ثانینک فصل رابعده
محرر اولان معاملات ابتدائیله بعدالایفا مرقوم
طاتیوس سنه مذکورده تشرین اولنک دردنجی
کونی قانون دائره سنده توقیفخانه دن کتوردیلهرک
وکیل عکسان افندی یاننده اولدینی ومدعی

(اوچیوز اللی سنه سی حزراننک اون التنجی)
(کونی توقیفخانه ده موقوف بولنان برشخصه)
(زقاق جهتدن پاره ویرمکده اولدینی کوریلهرک)
(دردسته تشبث اولنمسی اوزرینه فرار وتعقیب)
(ایدن ژاندارمه سواری ملازمی عبدالله اغایه)
(ریوولور انداخت ایتدیکی ادعاسیله مظنون علیه)
(بولنان اوتوز یاشنده بروسلی اولوب بالقجیلق)

شخصی عبده اغا ايله مدعى عمومى معاونلرندن
مصطفى افندى حاضر بولندقلرى حاليده محاکمه
عليه به بالابتدار کندوسنه و وکیل مومى اليه قانون
مذکورک ايكوز التمش دردنجى و ايكوز التمش بشنجى
ماده لرى مدلولانى بعد الاخطار اتهام مضبطه سيله
اتهامنامه مضبط کاتبي بهجت بکه قرائت ايتديرلدى .
مذکور مضبطه نك مالى مرقوم طاتىوسک
توقيفخانه ده موقوف بولسان بر شخصه زقاق
جهتدن پاره ویرمکه اولدينى کوريله رک دردسته
تشبث اولمى اوزرينه فرار و تعقيب ایدن
ژاندارمه ملازمى عبده اغا قاتشهیر وریورلور
انداخته اجتسار ایلدیکی اخبارات ايله مرتبه
ثبوت وارش و حرکتی قانون جزانک یوزسکسانجی
ماده سنک علاوه سی حکمى مستلزم افعال جنائیه دن
بولتمش اولديغندن جنایتله اتهامنه قرار ویرلدیکی
و اتهامنامه نك مفادى دخى مضبطه مذکور مندرجاتی
وجهله مرقومك متهم بولنديغنى بیان ایضا حدن
عبارتدر .
قانون من بورك ايكوز التمش التنجى ماده سنه
توفيقاً اتهامنامه نك مالى متهمه تفهيم و معاون
مومى اليه طرفندن دخى اسباب اتهامى تفصيل

و تشریح قلندقدن صکره مرقوم سويلتديرلده
برکون قومقپويه کيدر ايکن قدر غده عسکرلر ايله
پوليسلر کندوسنى در دست ايتدکری بالبيان
کلیاً انکار تهمت ایتمسيله اساس ژورنالی
لدى القرائه مفادى مرقوم طاتىوسک ملازم عبده
اغایه طباخچه انداخت ایتسندن طولای پولیس
و ژاندارمه مامورلری تعقیب ايله قدر غه جوازنده
برخانه به بالدخول باغچه دیوارندن زقاغه چپقه جنی
انشاده مأمورلر طرفندن در دست ایدیلوب او
آردلق مرقوم حامل اولدینی ریوولور ايله قایى
مذکور خایه متصل اولان قنطارجی حاجی
سلیمان افندیك باغچه سنه آتدینی کوريله رک
آرانلدقده بری آتلمش و دردی طولو بش
فشنگی ایچنده اوله رق بر ریولور ايله بر
ده کیرجه قا بولنديغنى مبنیدر مدعى شخصی
عبده اغادن صورت جریان وقعه و ادعایى
صورلدقده بر جمعه ایرتسی کونى صباحین ساعت
اوچ قرارلورنده باب مضبطه ده اشاغی قپوده طور
مقده ایکن متهم طاتىوس کلهرک حبسخانه نك
پنچره سندن ایچرویه پاره ویریور دیونوبتچینک
فریادی اوزرینه اورایه کیدوب بورادن نه ایچون
پاره ویریورسک ایچری طرفه طولاشوب قپودن
ویر دیمى اوزرینه مرقوم اسان مکتبی چپته

طوغری فراره باشلیوب تعقیب ایتمش ایسه ده
زقاق ایچروسنده مرقومى غیب ایتمش و او جوا
ری آرامقده ایکن دولتو شا کر پاشا حضر
تلینک قوناغندن ایشتیکی کورلتی اوزرینه او طرفه
طوغری کیتدیکنده بغچه قپوسندن متهم طاتىوس
چپقمقده ایکن یولنی کسه رک (طور) دیمى
اوزرینه مرقوم حامل اولدینی ریوولوری (آل
بوده سنک پایک اولسون) دیو بر دفعه انداخت
و قپودن چیقوب قدر غه یه طوغری فرار ایتمکه
بالتعقیب مرقومك حامل اولدینی قاسیله فشنگک
بریسى آتلمش و بشی ملو اولان ریوولوری
او جوارده بر باغچه به براقش اولدینی و کندو
سیده دیگر بر باغچه ده مختفی بولنديغنى حاليده
در دست ایدلیدیکی بیان ایلدی مدعى عمومى
طرفندن ویریلان شهود پوصله سنده اسملری
محرر اولانلردن اولوب دعوت واقعه به مبنی کش
اولان طانجی نیقولی و اسماعیل و حسن اغار
بعدالتحلیف منفرداً و مواجّه استجواب اولند
قلرنده بولردن نیقولی لسان مکتبی جوارنده
شا کر پاشا حضر تلینک قوناغنده ایشلمکده
ایکن ملازم عبده اغا کلهرک کندوسنه بر ستری
پانتولونلنک قوشه رق کچوب کچمیدیکی صورمى
اوزرینه قوناق درونشده بر کورلتی اولمسيله

دونوب باقدیغنده بریسنک النده قا اولدینی حاليده
قبویه طوغری قوشمقده اولدینی کورروب او
آردلق عبده اغا ایشته آرادیم دیه باغچه
قپوسنک اوکنده کلن شخصه طور دیمى اوزرینه
شخص مرقوم حامل اولدینی ریوولوری
انداخت و فرار ایلدیکی ولدی السؤل او آدمک
بو متهم طاتىوس اولوب اولدینی طانیه مدیغنى
و اسماعیل اغا دخى برکون شا کر پاشا حضر
تلینک قوناغنده ایتورمقده ایکن یابو یایسلان
یردن متهم طاتىوس حرم دائر مسنه و اورادن
دخى سلامغه چپقه رق قپوجی بکر اغا مرقومى
طوتوب بوراده نه آرایورسک دیمى اوزرینه
مرقومه توتون قچاقیدى مرقوغالیورلر براقکده
زقاغه چپقه دیمش ایسه ده بوسوزینه اینامدیغنى
جهتله کیلارجی حسن اغایه پولیس چاغر دیمى
اوزرینه مرقوم حامل اولدینی قاسنى اسماعیل
اغانک اوزرینه تشهیر ایتسيله خوفندن ناشی
مرقومى صالیورروب و مرقومده کلدیکی طرفه
طوغری کیدوب و آرقه سندن طوتک دیوباغرمسى
اوزرینه ملازم عبده اغا بر ژاندارمه ايله
قپونک اوکنده مرقومه طور دیمسه مبنی مرقوم
حامل اولدینی رووله ویری عبده اغایه طوغری
انداخت ايله فرار ایلدیکی مضبوط افاده لری

اعلان

شریفه بهیه خاتمک در سعادت بدایت محکمہ سی
برنجی حقوق دارہ سندن ویریلان اعلام موجبنجہ
عبدالقادر افندی ذمتہ الاجبی بولنان مبالغہ
تأمین استفا سیچون تحت حجزہ التہرق طرفینک
رضا و موافقتیلہ فروختی قرار لشدیریلان جراح
باشادہ کور کچی باشی محلہ سندہ واقع تقریباً یوز
سکز ارشون عرصہ اوزرینہ مبنی فوقانی و تختانی
درت او طہ و برصوفہ وایکی ابدستخانہ بی و بر مطبج
و برودرومی وارقہ طرفندہ طقسان ارشون
وسعتندہ برقطعہ باغچی بی حاوی اون درت نومرولی
اخشاب بر باب خانہ تمامنک تاریخ اعلاندن اعتباراً
اون بش کون صکرہ بالمزایدہ فروختنہ تثبت
اولنہ جنی در سعادت اعلامات نظامیہ اجر دائرہ
سندن اعلان اولنور .

فی ۲۴ کانون ثانی سنہ ۳۰۶

دائرہ سندہ بیان و اخبار ایلدیلر شہود مرقومہ دن
اولوب بولدی ریلہ میان شاهد حسن اغانک دائرہ
استنطاقجہ ضبط ایدلش اولان افادہ سی لدی القرائہ
مالی برکون شا کر پاشا حضر تلیرنک قوناغندہ
سلاملق جہتندہ بر شخصک طولا شمعقدہ اولدینگی
ودائرہ معارفک قارشوسندہ کی قبودن چیقماق
ایستد بکنی کور می اوزرینہ در دست ایدرک
بورادہ نہ ارا بورسک دیدیکنندہ توتون قچاقجیسی ہم
تعقیب ایدیورلر براقکنز چیقماق دیش ایسہدہ
مرقومی حاجی اسماعیل اغانک یاننہ براقہرق
بولیس چاغرمغہ کیدہ جکی صرہدہ اوش شخصک
حاجی اسماعیل اغایہ قما تشہیر ایدرک فراز ایتیش

مابعدی وار